

გ ა ზ ე თ ი ღ ი რ ს :

მან. კ.	თვე	მან. კ.
2. . . 10 —	6 . . . 6 —	
1. . . 9 50	5 . . . 5 50	
0. . . 8 75	4 . . . 4 75	
9. . . 8 —	3 . . . 3 50	
8. . . 7 25	2 . . . 2 75	
7. . . 6 50	1 . . . 1 50	

ცალკე ნომერი—ერთი შაური.

„ივერიის“ ტელეფონი № 227.

# ივერია

რედაქცია **ეროვნული ნიკოლოზის შიხაძის რედაქცია**  
 ტფილისი.  
 გაზეთის დასაბარებლად და განცხადებათა დასაბეჭდად უნდა მიმართონ რედაქციას და წერა-კითხვა გამოვრც. საზოგადოების კანცელარიას.  
**ზანი განცხადებისა:**  
 ჩვეულებრივი სტრიქონი პირველ გვერდზედ 16 კაპ., მეოთხეზედ—8 კაპ.  
 „ივერიის“ ტელეფონი № 227.

## ქართული თეატრი

ხუთშაბათს, 18 ოქტომბერს 1901 წ.

ქართულის დრამატიკული საზოგადოების დასის მიერ

ბ. ვადაშვილის სადამიჯნოთ

წარმოდგენილი იქნება

პირველად განახლების შემდეგ

## ჯადო სიყვარულისა

დრამატ. ეტიუდი 4 მოქმ. თხზ. კარპოვისა, გადმოკ. ა. ნათაძის მიერ,

## ღ ა თ ვ ი

ვოლ. 1 მოქმედებად, თხზ. ჩხოვეისა, გად. გრ. ვოლსკისმიერ.

მონაწილეობას იღებენ: ქ-ნი ჩერქეზიშვილი, ტასო აბაშიძე, ლეჟავა, ქ-ნი: აბაშიძე, გამყრელიძე, გედევანოვი, შათირიშვილი, ველოშვილი, იმედაშვილი, მირიანაშვილი და სხვ.

დასაწყისი სწორედ 8 საათზედ. ფასები ჩვეულებრივია.

რეჟისორი ვ. აბაშიძე

შემდეგი წარმოდგენა 21 ოქტომბერს; მზადდება „უცხოეთა კლუბი“ კომ. 3 მოქ. და „ვენეციელი ვაჭარი“ კომ. 5 მოქ.

(3-5.-1)

## უკრაინის მხარდობა

კრების საბჭო აცხადებს, რომ ამა 1901 წლის 19 ოქტომბერს, შუაღლის 12 საათზედ, საბჭოს სადგომში ქ. ქუთაისის მოსდგა სა-ჯარო ვაჭრობა, რომელზედაც უკრაინით გაიცემა შემდეგი სამუშაოები ქათურაში:

1. რგანის გზა-ტყევილის გამართვა; სამუშაო 3332 მან. 70 კაპეისაა.

2. სამრეწველო გზების შემადგენლობა; სამუშაო 2056 მან. 80 კაპ. სულ სამუშაო 5388 მან. 50 კაპეისაა.

ვისაც ჰსურს ვაჭრობაში მონაწილეობა მიიღოს, უნდა წარუდგინოს საბჭოს ბეი ხარჯთ-ალრიცხვით აღნიშნულ თანხის 5% ნაღდ ფულად ან მთავრობის მიერ უზრუნველ ყოფილ სარგებლიან ქალაქ-დებში. ვაჭრობას საბჭო ამტკიცებს. ხარჯთ-ალრიცხვისა და პირობების განხილვა შეიძლება ყოველ დღე საბჭოს სადგომში.

(3-5.-1)

## პირველი კერძო სამკურნალო

მედიკოს ნავასარდიანისა

ქუთაისში, ვორონცოვის ძეგლის პირდაპირ) ვაქცინაციით იღებენ ექიმნი ყოველ-დღე, კვირა დღეებს გარდა.

### დილაობით:

ბ. ა. ნავასარდიანი. 11—12 ს. სადოსტაქრო, ვენერიული (სიფილი-ტი) და საშარდეს ავადმყოფობანი.

მ. მ. ჩიქოვანი. 9—10 საათ. სნეულეზანი: თვალისა, შინაგანი და ნერვებისა.

ზ. ი. ბაბანასიანი. დილის 11—12 საათ. ქალთა და ბავშვთა სენით ავადმყოფებს.

ქ. ი. ბაქალიშვილი. 12—1 საათ. ურისა, ყელისა, ცხვირის ავადმყოფობისა.

ა. ვ. აბაშიძე. 1—1/2 ს. შინაგანისა და ბავშვებისა.

### ს ა ღ ა მ ო ბ ი თ :

ბ. ნ. როსტომოვი. 5—6 ს. საქირურგო და კანისა.

ა. ნ. შაპოვსკი. 6—7 ს. ნერვებისა (ელექტრო-ტერაპია), შინაგანი და ვენერიულ ავადმყოფობათა.

ბ. ა. თარხანოვი. შინაგან და ბავშვების ავადმყოფობისა, 7—7 1/2 ს.

ს. ტ. არვანიძე. 11—1 ს. გაუკეთებლ სახლში მსურველთ „მას-სას“, აუტრის ყვავილს და გამართავს საექიმო გემნასტიკას ექიმის დანიშნებით.

ბ. ა. ნავასარდიანი. 7 1/2—8 ს. რჩევა-დარიგებისა და რეცეპტების დაწერის ფასი ათი შაური. დარბთათვის უფასოდ, ფასი კონსილიუმისა და ოპერაციებისათვის—მორიგებით.

დირექტორი სამკურნალო დოქტორი მედიკოსისა ნავასარდიანი.

Первая частная лечебница—д-ра

Навасардиана.

Тифлисе, против памят. Воронцову.

## ტფილისის კერძო სამკურნალო

ავადმყოფთათვის კრაოტები (ერთი უფასოა).

### მიხეილ გელვანიშვილისა.

კუკუა, ნიკოლოზის ქუჩა, სახლი საგინაშვილისა, № 21 (ვორონცოვის ძეგლის პირდაპირ).

### ტელეფონი № 274.

ავადმყოფებს იღებენ ყოველ დღე, კვირა დღეებს გარდა.

### დილით:

ბ. ი. შიშინაძე—კბილის სნეულეზანი, 8—10 საათ.

მიხეილ გელვანიშვილი—ნერვებისა და წამლობა ელექტრონით, 9—10 საათ.

პ. ბ. ვადაშვილი. შინაგან და ბავშვებისა. 9—10 ს.

ბ. ბ. მაღალაშვილი.—შინაგან; სამშობლოთ და ხუთშაბათობით, 10—11 საათ.

ბ. ა. მულინი—ყურისა, ყელი-სა და ცხვირისა—10—11 საათ.

ი. ვ. ახალაშვილი—კბილის სნეულეზანი. 10—12 საათ.

ა. მ. შატილოვი—თვალის, 10—11 საათ.

მედიკოსი ბ. ს. ბაქრაძე ბავშვებისა—11—12 ს.

დ. ა. გელვანიშვილი—ნერვებისა და შინაგანი. 12—1 საათ.

ა. ბ. ბარსუკოვი—დედათა სნეულეზანი, ორშაბათობით, ოთხშაბათობით და პარასკეობით 12—1 საათ.

ი. დ. ბავთაბავოვი. სიფილისისა, კანისა და საშარდესი, 1 1/2—2 ს.

### ს ა ღ ა მ ო ბ ი თ :

ი. ნ. თუშანიშვილი—დედათა სნეულეზანი. 5—6 საათ.

### კ ვ ი რ ა ო ბ ი თ :

ბ. ბ. მაღალაშვილი—10—12 ს. შინაგან ავადმყოფობათა.

სამკურნალოს აქვს საწოლი ოთახები.

ფასი რჩევა-დარიგებისა 50 კაპ. ოპერაციები და კრაოტები—მორიგებით.

### მ კ შ რ ნ ა ლ ი

მიხეილ გელვანიშვილი

იღებს ავადმყოფებს დილით—12—1, საღამოთი 6—7. ყორღანოვის ქუჩა, 16, საქ. სახლი. ტელეფ. 791. (6.)

## ახალი ამბავი

\* გუშინ-წინ, 12 ოქტომბერს, საღამოზედ, კავკასიის სამეურნეო საზოგადოების სადგომში კავკასიის შინა მრეწველთა კრებაზედ მოხსენებანი წაითხნეს: ს. მ. ზავაროვა იმის შესახებ, თუ როგორ უნდა იქმნას შესწავლილი სტატისტიკურადა და ეკონომიურად კავკასიის შინა მრეწველობა; ო. ი. შერლინგმა—თუ როგორ იქმნეს შეროვილი ძველის-ძველი ნაწარმოებნი შინა მრეწველობისა და როგორ შემუშავდეს ხელოვნურადა და გაუმჯობესდეს ეს ნაწარმოებნი.

\* კავკასიის შინა მრეწველებმა 12 ოქტომბრის სხდომაზედ პირველად ა. საკოვის მოხსენება განიხილეს კავკასიაში ერობის შემოღების საქმიანობის შესახებ. ბ-ნმა სააკოვმა საყურადღებო ცნობები მოიყვანა საერობო გუბერნიების ცხო-

ვრებიდან და განაცხადა, რომ რუსეთის ერობანი წელიწადში 268,000 მანეთს ხარჯავენ ხალხში შინა მრეწველობის განვითარება-წარმატებისათვის და ჩვენში-კი დღემდის ერთი გროში არ დახარჯულა ამ საქმეზე. უმრავლესობა თანახმა გაუხდა სააკოვის მოხსენებასა და საკითრად სცნო კავკასიის შინა მრეწველობის განვითარება-გაუმჯობესებისთვის კავკასიაში რუსეთის შუა გუბერნიების მგზავსად ერობა იქმნეს შემოღებული.

როგორც აღვნიშნეთ, თავ. გ. მ. თუმანოვმა სთხოვა კრებას იშუამდგომლოს სათანადო მთავრობის წინაშე, რომ მის მიერ ტფილისში დაარსებულ ხალიჩების საქოვ სახელოსნოს ყოველ-წლით 2000 მან. სუბსიდი დაენიშნოს. კრებამ მიიღო გარდაწყვეტილება, რომ შუამდგომლობა აღძრას იმ პირობით-კი, რომ სახელოსნოში სტიპენდიანტებათ იქმნენ კავკასიის იმ კუთხის მცხოვრებთა შვილები, სადაც შინა მრეწველობას მისდევენ. კრების დასასრულ საყურადღებო ცნობები წარუდგინა ი. ქუთათელაძემ ქუთაისის გუბერნიაში შინა მრეწველობის განვითარების შესახებ; მოხსენებასთანავე მან უჩვენა კრებას მის მიერ შეკრებილი კოლლექცია სხვა-სხვა ნაწარმოებთა აბრეშუმეულობისა, მატყლეულობისა და სხ. მომხსენებლის ჰაზრით, ადგილობრივ მრეწველობას რომ წარმატება დაეტყოს, საქიროა გაუმჯობესდეს ნაწარმოებთა გასაღების საქმე და დაარსებულ იქმნეს ამიტომ მუზეუმი ქუთაისში სავაჭრო საწყობით, დაინიშნოს ქუთაისის გუბერნიისათვის ინსტრუქტორი და სხვანი. კრებამ მკირე შესწორებით მიიღო ქუთათელაძის მოხსენება.

\* ხვალ, 15 ოქტომბერს, ტფილისის ქალაქის საბჭოში განსახილველად დანიშნულია ყველა ის საქმეები, რომლებიც 8 ოქტომბრის სხდომაზედ დარჩნენ განუხილველნი.

\* როგორც სად. კოვლიარიდან იუწყებიან, 13 ოქტომბერს, მატარებელი № 5 ვილაძე ბოროტგანმზრახველთ მე-42ს ვერსზედ დაუყენებიათ ვესტინგაუზის ტორმოზის საშუალებით, მაგრამ დამდგარა თუ არა მატარებელი, დამნაშავენი მაშინვე გაქცეულან. მიზეზი მატარებლის დაყენებისა არაფერ იცის.

\* განზრახვა იქეთ ამიერ-კავკასიის რკინის გზა-უცხოეთის რკინის გზებს პირდაპირ შეუერთონ.

\* შეუმუშავებრათ ახალი პრ. აქტი იმის შესახებ, თუ შემნახველ-გამსესებელს კასებში დაგირავებული ნივთებზედ შესწავნა რა უნდა ერთმეოდნე იმის-და მიხედვით, რასაკვირველია, —რომელი ნივთი

რამდენად ადვილი და ძნელი შესახებია.

\* საერო განათლების სამინისტროში ლაპარაკია აღძრული, რომ სამსახურიდან გადამდგარს ძველის ენების მასწავლებლებს ახალი რამ ღონისძიება აღმოეჩინათ საცხოვრებლად.

\* სუბმათოვოს სადგურიდან იუწყებიან, რომ 13 ამ თვისას, დილის 6 საათზედ, ბორჯომის რკინის გზის შტოს ასაქცივის მე-8 ვერსზედ, საქონლის მატარებელს № 229 ტფილისის გუბერნიის გორის მაზრის, სოფ. ქვიშეთის მცხოვრები მუშა როსტომ ქველიძე გაუსრესნია.

\* როგორც უმართებელესი სენატი განმარტავს, ნატარ იუსის თანამდებობის მიმდებმა უთუოდ თურმე საქირო ვგზამენი უნდა დიქიროს, თუნდაც სასამართლოს უწყებაში ჰმსახურებდეს.

\* მალე ჯეროვანი მთავრობა ნადირობის შესახებ არსებულ კანონების განხილვას შეუდგება.

\* კავკასიის გამოფენის გამგე კომიტეტი შუამდგომლობის დაწყებას თურმე აპირებს სამინისტროს წინაშე, რომ გამოფენა 20 ნოემბრამდე არ დაიხროს.

\* საერო განათლების სამინისტროს განზრახვა თურმე აქვს საშუალო და უმაღლეს სატექნიკო სასწავლებლებში ებრაელების მიღება შეამკროს.

\* როგორც სატახტო ქალაქის გაზეთები იწერებიან, საეკლესიო გალობა და ბავშვების გუნდებთ სიმღერა სავალდებულო საგნებად თურმე უნდა იქმნენ მიღებულნი კერძო სასწავლებლებში.

\* როგორც „Тифл. Л.“ ატყობინებენ დეკემბრით პეტერბურგიდან, დალესტის გუბერნატორი თავ. ა. ა. ბარათინსკი კავკასიის ჯარების ოლქში დაუნიშნავთ, თანამდებობიდან გადაყენებით.

\* შინაგან საქმეთა სამინისტროს სამოსწავლო-სატექნიკოკო მიტეტს ტფილისის ელექტრონით განათების პროექტი „გელიოსისა“ უკვე დაუმტკიცებია.

\* როგორც გვატყობინებენ, ახალ ბაიაზეთის მაზრაში ამას წინად რამდენსამე კაცს ას-ასი მანეთი გამოუღია და დაუარსებიათ სახელოსნო, სადაც მიიღებენ 16 კაცს, რომელნიც სასწავლოდ ნაშუადღევს თურმე ივლიან სკოლაში. ბავშვებს უსასყიდლოდ ასწავლიან სხვა-და-სხვა ნაწარმოებთა დამზადებას.

\* საერო განათლების სამინისტროს ორი ტიპის საშუალო სატექ-

ნიკო სასწავლებელი მოუწონებია. ერთი ამთავანი (ქალაქის სასწავლებლებში სწავლა-დამთავრებულ ბისათვის) იქმნება 4 წლის კურსიანი, უმეტეს ნაწილად პრაქტიკულ მოღვაწეობისათვის, მეორე 8 წლის კურსიანი, რომელში სწავლა-დამთავრებულთაც უფლება ექმნებათ უმაღლესს სპეციალურს სასწავლებლებში შევიდნენ.

\* საერო განათლების სამინისტროს ყველა სამოსწავლო ოლქებში წინადადება გაუგზავნია, რომ პირველ დასაწყისს სკოლებთან წიგნთ-საცავ-სამკითხველოები იქმნეს დაარსებული, საიდგანაც ხალხს წიგნები უნდა აძლიონ საკითხავად.

\* სენატი განმარტავს, რომ საბჭოს მხრივ ნების დაურთველად გუბერნატორის მიერ ქალაქის მოურავის დროებით დათხოვნა უკანონობაა.

\* ფოთის სადგურიდან იუწყებიან, რომ 12 ოქტომბერს, ნაშუადღევს 1 საათზედ, ფოთის ნავთსადგურის მთავარს ლიანდაგზედ მატარებლების გამოცდის დროს მისრულ პავლე რუმინსკი მატარებელს გაუსრესნია.

**მოკვლულითა და.**

**სცენა დუქანში.**

(გუძღვნი მათ, ვინც ამ ამბავს მომწულზე წაიკითხავს).

შუა შემოდგომა იყო. კოკის-პირულად წვიმდა. ქიათურაში ჩვეულებრივი ფაცა-ფუცი შესწყდა, ხმაურობა მიწყნარდა. მალარობებში მომუშავეთა გარდა, ყველამ სახლებს, დუქნებს ანუ სხვა რამ სახურავებს მიაშურა თავის შესაფარებლად. ქალები და ბავშვები ძლივს გადიოდნენ ზებზედ მოვარდნილ, შავი ქვის მტვრისაგან მელნად გადაქცეულს ნიღვრებს.

ყვირილზედ გადმოდგმულს, ჩვენებურს ერთს ისეთს დუქანში, სადაც ერთადა თავსდებიან პატრონი, დახლიდარი, საქმელ-სამელი, მუშტრები, შინაური ფრინველი და დედა-ლორი გოჭებიანათ, თავი მოეყარა საქართველოს სხვა-და-სხვა კუთხიდან გადმოხვეწილს მუშებს. აქ იყო კუდაბზიკობას გადაჩვეული იმერელი; მაქახელა-გადავიწყებული გურული; მგერელი, რომელიც თავისს დღეში ცხენზედ არა მჯდარა; რაჭველი, რომელსაც არც კურტანი მოუკიდნია ზურგზედ, არც მესტიერედ უფლია და არც მათხოვარად; ლენხუმელი, რომელსაც არასოდეს ქურდისათვის ხელი არ დაუცლია; სვანი, ქალაქის გემო-იღებულის და ქართლელი, კუქის წვიისაგან ქართლს გარეთ ფეხ-გადადგმული.

მუშტრები გავიდნენ ღრიალით მიმდინარე და უცებ აღიდებულ ყვირილზედ გადადგმულს აივანზედ და მოითხოვეს სადილი. გაიმართა ამისთანა შემთხვევაში ქართველ მედუქნებთან ჩვეულებრივი დავა:

- რას ინებებთ, ბატონო? — შეეკითხა მედუქნე.
- რა გაქვს?
- რასაც ინებებთ!
- მწვადი შეგვიწვი, ღვინო მოგვიტანე!
- სამწვადე არ გახლავს!
- მაშ, აბა რა გაქვს?
- რასაც მიბრძანებთ!.. და ასე, ამ გვარად იღავეს, სანამ მედუქნემ

არ მოართვა, რაც ჰქონდა და მომწულეები ქამას არ შეუდგნენ. გამხმარმა პურმა, დამარბულმა ღვინომ და ქვა-კირად გადაქცეულმა ყველმა თითოეულს მათგანს მოავიანა და მოანატრა შინაური საქმელი.

— აი, ბენა, ჩემს რცხილებს ქვეშ, მოხდილ ქურის თავთან დამაჯდინა ახლა თქვენთან, სთქვა იმერელმა: რაღა გაგბრუქავთ, ბენა, კრახუნათი და რაღა გამოგაძლებთ თორნის ვახიკინებული, ცხელ-ცხელი მქადაებით და ჰქინტი ყველით!..

— გისმინოს, ძამია, ღომის კარელმა და ჯუმათის მაცხოვარმა! იმ შენი რცხილების ქვეშიდან და ქურის თავიდან, აგვსვა, დაგვსვა და ჩემ ოდის პარმალზე დაგვსვა... ვაი, ნენა, გამჩენის მადლმა, ერთ ლანდზე აგვისვდით სუფრას: უმაროლ წასმულ ციცასავით თეთრი ღომით, მძაღვ ძმარში გაკეთებული ქათმით, საცივით შემზადებულ ინდაურით, კეციაზე შემწვარ ჩვენი ბეუჯის კალმახებით და საწებლით!

ღვინო... კრახუნა ჩვენში მის დღემში არ ყოფილა, ჯანი და ჩხავერი ახლა ტელემაკ გურიელსაც წამლათ თუ ეშოვება, თვარა მე ვინ მომცემს, მარა ანდასოულით-კი კურცხლებს გადმოგაყრვიინებდით თვალებიდან... კურცხლებს!..

— ქვე, ამ გურიელმა მალაზე არ მომიყვანა—ქი! მრავალ-ძლის წმინდა გიორგიმ ავასრულეზინოს თქვენი ქაღლი! ქვე, მეც არ შეგირცხვებით-ქი, მაშინ. ჩემსა, ამბროლაურში, რომ მოგაბძნათ-ყე, ქალს ჯორის ტლინკებივით დავაფაცურებდი, ხელათ დამცხვარ თორნულეს-ქი, რძით გაზდილ გოჭუნას შამფურზე კან-დაბრავით შემწვარს, ხონჩით მოვართმევდით-ქი. თან ერთს ჩაფს თამარ მეფის თვალებივით შავს ღვინოს გვერდით ამოგიდგამდით-ყე...

— ჰო და კაი მოგცეს ღმერთმა მაგ კაი მასპინძლობაზე მეც სირცხვილ ნამუსიანათ დაგხვდებოდით ჩემს ოპიტარაში, — ჩაუთო ლენხუმელმა. თუ ღმერთი თქვენისთანა პატროსნებს მაწვევდა, ისე რა ჩემი ცოდვა გამოაცალიერებდა ჩემს ბელელ-მარანს, რომ კეცებზე დამცხარი აფუებული პურები, რველათ მოხარშული ორი სამი მთავარი — უკაცრაული მოხსენება — დედალი, სიმსუქნისაგან — უკაცრაული მოხსენება — კურტუმო გადმობრუნებულნი, ღადარში შემწვარი ახალი — უკაცრაული მოხსენება — კვერცხები და ქურიდან ახალ-ამოდებულა ალექსანდროულის ნუნუა თქვენდა საკადრისათ არ მომერთმია...

— ჰაი, ჰაი, დაილოცოს იმერეთის პურ-ღვინო! რა იშტაზე მომიყვანეთ, თქვენს გამჩენის მზემა, რომ იცოდეთ, ერთ-ერთი ახლავ წამიყვანდით სახლშია, აი!.. ჩემდა თავათა, შეილოსა, თქვენისთანა ბიჭებისათვის კაკლის ძირშია სუფრასა მწვანეზე გაფულიდი და ზედაც დაგადებდით ღვთისაგან მოცემულსანამცხვრებსა, მოხარშულ დეკეულის ხორცსა, მწვანილსა, მოთალსა და ერთს-ორს თუნგს წითელ კახურსა. ვენაცვალე იმის გამჩენსა, ჰაი!..

— ჩემსა სუ ახალ შემოდგომაზედ დაგ-პატივებთუ, დასძინა მგერელმა.

თქვენს მოსაწონსუ ვერ აფერს: გიშოვ-ნითუ, მარა იმისანა ქანდირს ძირში დაგაჯდნითუ, თუ ღმერთმა დარი ინება, რომე დადიანს და გურიელს ეკადრებოდეს. მერე, სულ რომ ჩამოვითხოვო, ან მოვიპარო, მაინც მოვართმევთ: ახალ სულგუნებს, ცვთ მოხარშულს ქაცარს თიკანი ტაბუცუნითუ, მაწონს, სიმინდის ღომს, ჰქინტს სიმინდს ნაკვერცხლებზე შემწვარს, გარჩეულს, ახალ-ახალ, თოთონიგოზსუ და თხილსუ, შემწვარს კვახს, წაბლივით რომ პირში იფშენებოდესუ და ორს-სამს დოქს წყაროში ჩატივებულს ადვისს ღვინოსუ. მეტს ვერაფერს დევტრახებ სწორებით... ახანაურობაში დამტკიცებამ გამწყვითა წელში, თვარა ამისთანა მასპინძლობასუ რაღა გკადრებდით, უწინდელ ყოფაში რომ ვიყო, თქვენ ხართ ჩემი პარტენი.

— ჰო, და მე თქვენისთანა პატროსნებში წვევას მოვდომებივარ და სამაგიეროს ზღვევა როდისღა მერგება-ღა? აღარც ისეთი ბაღანა ვარ, რომ მრავალ ეამს გაეძლო... თუ-ღა ვიცოცხლე იმ ეამამდი, რომ თქვენ გნახავდით ჩემს კოშკში ბეჩოს, — ერთს, სომეხივით ჩარგვალე-ბულს, ძრიხას დაგიკლავთ, — სუკი ბევრი ავა ზედ, სათბილო და ბეკი... მიხდებით და ბლაყენთ... ქერის პურებს კიდევ ბევრს დაგიყრით ზედ, გუდით არაყს გამოგიკატრიალებთ, თუ გინდათ ქე ჩეხირჩეით შიგ... სხვა რომ მოინებოთ რამე კიდევ, ჩიყეს თუ მოგიქრი თუ არა, მეტს ვერაფერს გიშოვნი-ღა...

თ. მაგმაძე

**„მ. შ. წარა-კითხვის გამავრცელებლის საზოგადოების“ წლიური კრების საქმეაღმ-გოდ.**

ვისაც ჩვენის ცხოვრების განვითარებისათვის ოდნავ მაინც თვალყური უდევნებია, იგი უთუოდ აღნიშნავდა იმ დიდ ღვაწლს და შრომას, რომელიც დღეს-დღეობით „მ. შ. წარა-კითხვის გამავრცელებელ საზოგადოებას“ მიუძღვის ჩვენი ერის თვითცნობიერების განსამტკიცებლად. ყველა ჩვენ დაწესებულე-ბათა შორის ეს საზოგადოება ერთად ერთი დაწესებულეებაა, რომელმაც ხალხის გულში, წოდებათა და პარტიის განუზრგვლად, მოხვეჭა საერთო სიმპატია, ეს ერთად-ერთი საზოგადოებაა, რომელიც ყველა შეგნებულ ქართველისათვის ერთნაირად ძვირფასი და საყვარელია. ეს საერთო სიყვარული და თანაგრძობა, რაც ასე იშვიათია ჩვენს უბადრუკ ცხოვრებაში, მართლაც რომ საზოგადოებამ ღირსეულად დაიმსახურა. თვით საზოგადოების დიდი მიზანი, წარა-კითხვის გავრცელება მდაბიო ხალხში, მეტად სიმპატიურ და დიდმნიშვნელოვან დაწესებულეებად ჰხდის ამ საზოგადოებას ხალხის თვალში.

საზოგადოების მეთვალყურენი, ანუ უკეთ რომ ვსთქვათ, გამგეობის წევრნი მთელ თავისუფალ დროს საზოგადოების კეთილად წარმართვის საქმეს ახმარებენ, მთელი მათი შრომა და ენერჯია ამ საზოგადოებას ეკუთვნის, ამ საზოგადოების საკეთილდღეოთა წარმართული. მთელი ოცდა ორი წლის განმავლობაში გამგეობის წევრნი იშვია-

თის მხნეობით, მამაშვილურის სიყვარულით, მედგრად თავს დასტრიალებდნენ საზოგადოებას და მართლაც რომ მათი შეერთებულის შრომის ნაყოფი სანუკარი და ფასდადებულაა. გამგეობის წევრთა მხნეობით და მეცადინეობით საზოგადოება „არა რაისაგან“ ჩვიდრს ნიადაგზედ დამყარდა, მათის დაუღალავის შრომით საზოგადოებამ კეთილად წარმართული დაწესებულების სახე მიიღო და დღეს-დღეობით იგი, შეძლების და გვარად, ჩვენთვის არა ერთს დიდ მნიშვნელოვან საქმეს აწარმოებს.

1900 წლის ანგარიშიდან სწანს, რომ ეს საზოგადოება განაგებს რვა სკოლას, მათ შორის სამ სკოლას, სრულიად თავის ხარჯით ინახავს, სამის სკოლის ხარჯს თითქმის ნახევრად ეწვევა, თავისივე ხარჯით ინახავს ექვს სახალხო ბიბლიოთეკას, აწარმოებს საზოგადოების წიგნის მაღაზიას და აგრეთვე განსვენებულ ალ. როინაშვილის მიერ ნაანდერძვე ფოტოგრაფიას, დრო გამოშვებით ბეჭდავს სახალხო წიგნებს, აგროვებს ჩვენს სხვა-და-სხვა კუთხეში კიდევ დასულ ძველ ხელთნაწერებს და ძველ ფულებს, უწევს დახმარებას სხვა სკოლათა, ბიბლიოთეკათა წიგნებისა და ფულის გაგზავნით.

მოხსენებული საწარმოო საგნები მეტად რთული და სამძიმოა და, მაშასადამე, გამგეობა საზოგადოების მიერ დაუხმარებლად უძლიური შეიქმნება გააფართოოს თავის-მიერ არჩეული სამოღვაწეო ასპარეზი, პირნათლად შეასრულოს თვით ის საქმე, რომელიც აღნიშნულ ჩარჩოებში შემოუფარგლავს. ამიტომ თვითოეული ჩვენგანი ზნეობრივად მოვალეა დაეხმაროს გამგეობას სიტყვით თუ საქმით და მით გაუადვილოს საზოგადოებას იმ დიდი საქმის განხორციელება, რომელსაც ქართველთა შორის წერა-კითხვის გამავრცელებლის საქმეს ეძახიან. ჩვენ ღრმით დარწმუნებული ვართ, რომ გამგეობა, როგორც ყოველთვის, ყველას საბუთიან რჩევას დიდის სიამოვნებით მიიღებს და, შეძლების და გვარად, საზოგადოების საკეთილდღეოდ კიდევაც განხორციელებს. ჩვენ კერძოთ ამ პატარა წერილში გვსურს მივცეთ საზოგადო კრებას და აგრეთვე მომავალ გამგეობის წევრთ ოროდღე რჩევა, რაიც, ჩვენის აზრით, საზოგადოების მიერ დასახულ მიზნის განხორციელებას ხელს შეუწყობს.

საზოგადოების უმთავრესი აზრი და მიზანი მდაბიო ხალხში წერა-კითხვის გავრცელებაა. ამ მიზნის განსახორციელებლად საზოგადოებას, სხვა საშუალებათა შორის, დაარსებული აქვს რვა სკოლა და ექვსი ბიბლიოთეკა. ამ სკოლებს და ბიბლიოთეკებს ჰყავთ თავიანთი ადგილობრივი მეთვალყურენი, ხოლო უმაღლესი კონტროლი და ყურის გდება ჩაბარებული აქვს თვით საზოგადოების გამგეობას.

საზოგადოების გამგეობა, როგორც კოლლეგიური დაწესებულეება, სკოლების დასათვალისწინებლად და სარევიზიოდ ჰგზავნის ჩვეულებრივად თავის ერთ-ერთს წევრს. გამგეობის წევრთა შორის ბევრნი არა პედაგოგიკ მოიპოვებიან და, მაშასადამე, მოსალოდნელია, რომ

მათი სარევიზიო იქმნეს, ხოლო დილის სურათის ელმობიერებით იქმნეს, შემცდარი გამოდგეს ხოლმე. კიდევაც რომ ყველა გამგეობის წევრნი პედაგოგებისაგან შესდგებოდეს, მაშინაც სკოლების რვეზიის საქმე შეფერხებული იქმნება, რადგანაც ბ-ნი რვეზორები, თავის კერძო საქმისა და სამსახურის გამო, ისეთს უღრობდროს მიემგზავრებიან სარევიზიოთა როცა სკოლაში სულ ცოტა შეგირდები მოიპოვება. ესეც არ იყოს როცა სკოლებს სულ სხვა-და-სხვა პირები ათვალისწინებენ, მათში საერთო სისტემის, ერთის მიმართულების დამყარება მეტად ძნელია, თუ სულ შეუძლებელი არ არის.

ამიტომ, ჩვენის აზრით, სკოლების პირდაპირი ინტერესი მოითხოვს, რომ საზოგადოებამ იყოლიოს თავისი საკუთარი სკოლების მეთვალყურე, რომელიც პირველ დაწყებითი სწავლის საქმეში ღრმად დახელოვნებული პედაგოგი იყოს. ამგვარი პირი სკოლებში ერთგვარობას, ერთ სისტემას შემოიღებს და სკოლების კეთილდღეობის საქმეს სასურველად მოაგვარებს. სკოლების საკუთარი რევიზორის დაწინაურების წინააღმდეგი პრინციპიალურად არც საზოგადო კრება გახდება და არც მომავალი გამგეობა ხოლო თუ მაინც რაიმე საწინააღმდეგო აზრი წარმოითქმის, ამ მოსაზრებას სარჩულად მხოლოდ საზოგადოების აწინდელი ნივთიერი შევიწროება დაეძვება.

მართალია, საზოგადოება ამ ქმით ხელ მოკლავდა, და, მაშასადამე, ახლის თანამდებობის შემოდგება საზოგადოებას მძიმე ტვირთად დააწვევა, მაგრამ, თუ ამასთანგ ახლად დანიშნული რვეზორის მომავალ ნაყოფიერ მოქმედებასაც გავითვალისწინებთ, მაშინ მძიმე ტვირთი ისე სამძიმო აღარ გამოჩნდება.

ახალი რვეზორი, თუ ენერჯიული პირი იქმნება და ღირსეულად შეუდგება საზოგადოების სამსახურს თავის წლიურს ჯამაგირს თვითონეაიღებს, იგი საზოგადოების კასსამეტ ხარჯად არ დააწვევა. წარსულ წლის ანგარიშით საზოგადოების წევრად 669 კაცი ითვლებოდა. ორთა შუა რომ თვითოეული წევრის გარდასახალი სულ უკანასკნელი ექვსი ექვსი მანეთი ვიანგარიშით, ამ რაოდენ საზოგადოებას საანგარიშო წელს უნდა შემოსვლოდა 4014 მან., ნამდვილად-კი შემოსვლია სულ 747 მან. 50 კაპ. ენერჯიული რვეზორი საწევრო ფულს, თუ სულ არა, სამეოთხედს მაინც შეკრებს. ეს მიუღწერო ადვილად მოხერხდება, რომ პირადს კანონიერ მოთხოვნილებას ასეთის სიმპატიური დაწესებულეებისას, როგორიცაა „მ. შ. წერა-კითხვის გამავრცელებელი საზოგადოება“, არც ერთი ქართველი უარს არ ეტყვის და თავის დროზე გაუჭირებლად შეიტანს საწევრო ფულს.

ჩვენ კერძოთ ამ მოკლე ხანში საზოგადოების საქმეთა გამო ძველსენაკში მოგვიხდა ყოფნა და როცა ლაპარაკი ჩამოვარდა საზოგადოების ღონის ძიებათა შესახებ, უმალვე ხუთმა პირმა დიდი სიამოვნებით წევრობის სურვილი გამოაქხადეს და სამი თუმანიც გარდმოგვცეს. დღეს-დღეობით საწევრო ფული საზოგადოების

დოებას თითქმის სრულიად ეკარგება, თუ ვინე თავისი სურვილით შე-  
მოიტანს, — თორემ ვაგრობას საშუა-  
ლება არა აქვს მოსთხოვოს თავის  
დროზე და კიდევაც რომ ჰქონდეს,  
ფულების წერილობითი მოთხოვნა  
უთხოვნელის მომასწავებელია.  
რევიზორი კი პირადის მოლაპარაკე-  
ბით, რჩევით და სხვა ამგვარის  
საშუალებით სულ ადვილად აიძუ-  
ლებს წევრებს თავის დროზე შეი-  
ტანონ საწევრო ფული, და ამნა-  
ირად თავის ხარჯს თვითონვე გა-  
ისტუმრებს. გარდა ამისა, ქუთაისის  
თავდაპირველობა 300—400 პა-  
ნეთს წლიურად არ დაიშურებს ამ  
საქმისათვის, მით უმეტეს, რომ ამას  
მოითხოვენ მისი პირდაპირი ინტე-  
რესები.

რევიზორის ენერჯული მოღვა-  
წეობა საზოგადოებისათვის დიდ  
მნიშვნელოვანი შეიქმნება. მშრო-  
მელი და ენერჯის მექანიკ სკოლე-  
ბის მეთვალყურე მოგზაურობის  
დროს საზოგადოებას სასყიდელით  
თუ უფასოდ შეუგროვებს ძვირფას  
ხელთნაწერებს და ძველ ფულებს,  
რომელნიც ჯერ-ჯერობით კიდევ  
?ლომად მოიძებნებიან საქართველოს  
სხვა-და-სხვა კუთხეებში; გააცნობს  
საზოგადოების მიზანს და მნიშვნე-  
ლობას ჩვენის ქვეყნის სხვა-და-სხვა  
მკვიდრთ, მოუპოვებს საზოგადოებას  
ახალს და საიმედო წევრებს, აღ-  
ძრავს სურვილს შეძლებულ პირთა  
შორის საზოგადოების დასახმარებ-  
ლად და სხვ. ამ ნაირად მომავალი  
რევიზორი სულიერ კავშირს დაამკვი-  
დრებს საზოგადოებასა და ჩვენის  
ქვეყნის შორეულ მკვიდრთა შორის,  
რაც ძვირფას განხად უნდა ჩი-  
თვალოს თვით საზოგადოების კე-  
თილად წარმატებისათვის.

სკოლის რიგინი წარმოება,  
სხვა პირობათა შორის, უმთავრესად  
დამყარებულია მასწავლებლების  
კეთილ სენინდისიერ და დაუღალავ  
შრომაზე. ახალთაობის სწავლა-  
აღზრდის საქმე მეტად მძიმე და  
პასუხის საგები ტვირთია, და, მაშა-  
სადამე, მასწავლებელი თუ შრომის  
მიხედვით არ იქმნა დაჯილდოვ-  
ებული, თუ მისი აწმყო და მომავ-  
ალი ნივთიერად საშუალოდ მაინც  
არ იქმნა უზრუნველ ყოფილი,  
მწელია კაცმა მოსთხოვოს მას მუ-  
დმივი და ასე სამძიმო მოვალეობის  
აღსრულება. აწმყოში ნივთიერად  
შევიწროვებული, მომავალში „არა-  
რის“ მომლოდნე მასწავლებელი  
თავისდა უნებურად შეაფერხებს  
სწავლა-აღზრდის საქმეს, თავისვე  
უნებურად უკან დასწევს სკოლის  
ნაყოფიერ მოქმედების.

ყველა ეს მოსაზრება იმოდენათ  
პარტიკი და საერთოთ ცნობილი  
შემართებაა, რომ მისი განმარ-  
ტება მეტიდა მიგვანია. თუ წერა-  
თხვის გამაგრებელის საზო-  
გადოების სკოლების მდგომარეობას  
აღნიშნული მოსაზრების მიხედვით  
პოლიტიკისწინებთ, მაშინ ამ სკო-  
ლების მასწავლებელთა ნივთიერი  
მდგომარეობა მაინცა და მაინც  
გერაფერს სანუგეშო სურათს წარ-  
მოადგენს. მართალია, საზოგადო-  
ების გამგეობა შეძლების დავარად  
უზრუნავს მასწავლებლების ნივთიერ  
მდგომარეობის გაუმჯობესებისათ-  
ვის, მაგრამ მათი მდგომარეობა  
ჯერ-ჯერობით კიდევ არა სასურვე-  
ლია.

მასწავლებლის წლიური ჯამა-  
გირი შედარებით მცირეა, ხოლო  
რაც შეეხება მომავალში მათ ნივ-  
თიერად უზრუნველყოფას, ამ  
მხრით მათთვის ჯერ-ჯერობით არა  
გაკეთებულია რა. სწორით, ჩვენის  
აზრით, ეს უნდა იყოს თავი და  
თავი მიზეზი იმ სამწუხარო ვარე-  
მიებისა, რომ საზოგადოების სკო-  
ლების მასწავლებლები ძრიელ ხში-  
რად სტრავებენ თავიანთ ადგილებს  
და გადადიან სხვა უწყებათა სკო-  
ლებში. ამიტომ საზოგადოების  
სკოლების უფრო მკვიდრსა და ნა-  
ყოფიერს ნიადაგზე დამყარებისათ-  
ვის, საჭიროა მასწავლებლების  
ნივთიერ პდგომარეობის გაუმჯო-  
ბესობის საქმეს მიექცეს განსაკუთ-  
რებული ყურადღება.

საზოგადოება ამ ფრიად უსაქი-  
როესს საქმეს ღირსეულად განა-  
ხორციელებს: ყველა სკოლების  
მასწავლებლებისა და თვით საზო-  
გადოების კანცელარიაში მოსამსა-  
ხურე პირთათვის „საპენსია კასის“  
დაარსებით, თვითოეული მასწავლე-  
ბელი და კანცელარიაში მოსამსა-  
ხურე პირი დიდის სამოვლებით  
გადასდებს საპენსია კასისათვის  
თავის ჯამაგირიდან 5/10, ოღონდაც  
კი მომავალში იგი სრულიად უმწყო  
და უნუგეშო არ დარჩეს. ამასთა-  
ნავე საჭიროა საზოგადო კრებამ  
დაადგინოს რომ საზოგადოების  
ყოველგვარ შემოსავლიდან ამდენ-  
ნივე პროცენტი „საპენსია კასის“  
თანხის გასაღიდებლად ირიცხე-  
ბოდეს.

ამგვარი კასის დაარსება მეტს  
ხალისსა და ენერჯიას ჩაუნერგავს  
გულში ჩვენს მასწავლებლებს და  
მით საზოგადოების სკოლების კე-  
თილ ნაყოფიერება ერთი ორად  
იმატებს.

ჩვენში პირველ დაწყებითი სკო-  
ლები რაღაც განსაკუთრებულ მდგო-  
მარეობაში მოქმედებენ. ყველასა-  
თვის აშკარაა, რომ მდებო ხალხი  
ზოგჯერ უკმაყოფილო თვლით  
უყურებს დღევანდელ სკოლას, რად-  
განაც, იმათის აზრით, იგი ვერ აწ-  
ვდენს მათს შეილებს შესაფერსა და  
სოფლისათვის გამოსადგეს ცოდ-  
ნას. ხალხის ამგვარი შეხედულება  
არა ერთხელ აღნიშნულა ჩვენს ლი-  
ტერატურაში. ჩვენის სოფლის  
ღრმა მცოდნემ, ჩვენმა ნიჭიერმა  
ბელეტრისტმა, შ. არაგვისპირელმა,  
როგორც გვახსოვს, ამ ხუთი-ექვსის  
წლის წინეთ სოფლის ცხოვრებიდ-  
გან ხელოვნური ეტიუდი დასწერა,  
სადაც გლეხი პირდაპირ პროტესტს  
აცხადებს სკოლის დაარსების წი-  
ნაღმდევ.

მართლაც, დღევანდელი პირველ-  
დაწყებითი სკოლების ვითარება  
ვერა ისე მოწყობილი, რომ ხალხი  
სრულის ნდობით და იმედით უყუ-  
რებდეს მას. სოფლებს ბევრი ქი-  
რი და ვარამი აწვეს კისერზე და,  
მაშასადამე, თუ ფულს გაიღებს  
სკოლის დაარსებისათვის, უთუოდ  
იმ მოსაზრებით, რომ სკოლა მომა-  
ვალში ოღონაე მაინც შეუსუბუქებს  
ყოველ-დღიურ მძიმე და აუტანელს  
უღელს. თუ ეს იმედი სოფლებს  
გაუტრუვდა, თუ სკოლამ მართლაც  
ვერ გაუწია შესაფერი წინამძღო-  
ლობა და დახმარება, რა თქმა უნდა,  
იგი ყოველთვის უნდობლად მოეპ-  
ყრობა სკოლას და კიდევაც მისი  
წინამდევნი გახდება.

წერა-კითხვის გამავრცელებელ სა-  
ზოგადოების სკოლები, თუ სულ  
არა, ნახევარი მაინც აღნიშნულ პი-  
რობების მორევეში მოქმედებენ. ამი-  
ტომ საჭიროა საზოგადოებამ დაა-  
ყენოს თავისი სკოლები ისე, რომ  
ხალხი ნდობის თვლით უყურებ-  
დეს. ჩვენის აზრით, ერთ ამ გვარ  
საშუალებად კარგი იქმნებოდა,  
რომ საზოგადოება თავის სკოლე-  
ბის უკეთეს შეგირდებს საზოგადოე-  
ბისეც ხარკით აღზრდიდეს რომელ-  
სამე საშუალო სასწავლებელში.  
რამდენიმე სტიპენდიანტის შენახვა  
საზოგადოებას მაინცა-და-მაინც არ  
გაუჭირდება, ხოლო ადგილობრივი  
მკვიდრი დიდის ნდობით და სიყვარ-  
ულით მოეკიდება სკოლას, რაც  
სკოლის კეთილ დღეობის საქმეს  
მეტად ხელს შეუწყობს. სტიპენ-  
დიანტების საზოგადოების ხარჯით  
აღზრდას, რასაკვირველია, დაედება  
სარჩულად უმთავრესად ის მოსაზ-  
რება, რომ ეს შესაფერი სწავლით  
აღქურვილი ახალგაზრდა დაუბ-  
რუნდეს სამოღვაწეოდ თავის სამ-  
შობლო კერას.

სკოლების ნაყოფიერ მოქმედე-  
ბისათვის აუცილებლად საჭიროა,  
რომ საზოგადოების სკოლის მას-  
წავლებლები წელიწადში ერთხელ  
ერთად იკრიფებოდნენ და თავიანთ  
გამოცდილებას და დაკვირვებას ერ-  
თი მეორეს უზიარებდნენ, ერთი მეო-  
რის თანა-დასწრებით სამაგალითო  
გაკვეთილებს აძლევდნენ. საზოგა-  
დოების სკოლათა მასწავლებელთა  
შორის ზოგი მართლაც კარგად გა-  
მოცდილი და დახელოვნებული პე-  
დაგოგია და, მაშასადამე, მათი სა-  
მაგალითო გაკვეთილები საგულს-  
ხმიეროდ დარჩება უფრო ნაკლებად  
გამოცდილთათვის. აშკარაა, რომ  
ამგვარი საერთო კრებანი დიდ სარ-  
გებლობას მოუტანენ სკოლებს  
და მით საზოგადოების პირდაპირ  
მიზანს ერთი-ორად გაანაყოფიერე-  
ბენ. ამიტომ საჭიროა, საზოგადო  
კრებამ დაადგინოს, რომ გამგეობამ  
ყოველ წლივ ტფილისსა ან ქუთაი-  
სში გამართოს მასწავლებელთა სა-  
ერთო კრება, პედაგოგიური საუბა-  
რი, აზრების გაზიარება და სამეგა-  
ლითო გაკვეთილები.

საზოგადოების წიგნთ-საცავში  
დღედაღი ძვირფასი ხელთნაწერე-  
ბი მოიპოვება, ხოლო უბედურება  
ისაა, რომ ეს ხელთნაწერები ჯერ-  
ჯერობით ცნობაში არ არის მო-  
ყვანილი, არ არის ჯერ-ჯერობით  
გარჩეული, თუ რომელი ხელთნა-  
წერი რა შინაარსისაა. საზოგადოე-  
ბას კიდევაც რომ შეძლება ჰქონ-  
დეს და მათი ბეჭდვის საქმეს შეუ-  
დგეს, მწელია კაცმა ვარჩიოს,  
რომელია მათგანი სასარგებლო და  
რომელი არა. ამიტომ კარგი იქმნე-  
ბა საზოგადო კრებამ გადასდოს სა-  
ჭირო თანხა ხელთნაწერის დაწერი-  
ლებითი კატალოგის შესადგენად,  
სწორედ იმ გვარი კატალოგისა, რო-  
გორც შეადგინა ბ. ნ. თ. ჟორდა-  
ნიამ საეკლესიო მუზეუმის ხელთ-  
ნაწერებისათვის.

ყველა ჩვენი მოხსენებული საშუა-  
ლებანი, რასაკვირველია, მოითხოვენ  
შესაფერს ხარჯსაც და, შესაძლოა,  
საზოგადოებამ პირველ ხანებში  
დღეიციტიც ნახოს, მაგრამ საზო-  
გადოება ამას არ უნდა შეუშინდეს,  
დღე ასეც მოხდეს, ოღონდ-კი გან-

ხორციელდეს ის დიდი აზრი, რომ-  
ლისათვისაც დაარსებულია სამოღვა-  
წეოდ თვით წერა-კითხვის გამავრცე-  
ლებელი საზოგადოება.

ა. ყუმისთაველი

### დაბაჭ სოფელი

ს. ხოვლე (გორის მაზრა). წელს  
ჩვენში, როგორც გორის მაზრის  
სხვა სოფელში, ქინახული ძალიან  
ცოტა მოვიდა. უფრო ნაკლებად  
პური და ქერი მოვიდა. სიმინდის  
კარგი მოსავალია, მაგრამ გახში-  
რებული წვიმები ხელს უშლის იმის  
დროით სახლში მოტანას. ვენახე-  
ბიც ძალიან გაფუჭდა ჩვენში გა-  
ზაფხულზედ დიდი წვიმებისა, სი-  
ხისა, ხოლო შემდეგ ხან გამოამე-  
ბითი სეტყვის გამო. ყოველ წელი-  
წადს, უსიამოვნო სტუმარსავით  
რამდენჯერმე გვეწვევა ხოლმე სეტ-  
ყვა. ჩვეულებისამებრ, არც წელს  
დაგვტოვა უნუგეშოთ. თუ კვლავ  
ხალხი საწინაღობს და დიდრონ საწუ-  
რავ ამბრებს რეცხავდა სართვლოთ  
ყურძნის დასაწურათ, ეხლა პატარა-  
პატარა გოდრები ჰყოფნით, რომ  
გამოქულიტონ წლევანდელი მოსა-  
ვალი. ხალხი მეტის გულ-გატეხი-  
ლობით ძალიან ადრე შეუდგა ყურ-  
ძნის კრეფას.

ხოვლეში არსებობს სამ განყო-  
ფილებიანი სამინისტროს სასწავლე-  
ბელი. საუბედუროდ, ეს სასწავლე-  
ბელი მოკლებულია მთავრობის ყუ-  
რადლებას. ეს მეორე წელიწადია მას-  
წავლებელს, რომელიც მეცადინე-  
ობას არ აკლებს და გულ-მოდგი-  
ნით ასრულებს მოვალეობას, მეცა-  
დინეობა ვერ დაუწყვია ახლად მი-  
ღებულ ბავშვებთან, რადგანაც არ  
გამოუგზავნეს არც შარშან და არც  
წელს საჭირო სახელმძღვანელოები.  
არ ვიცი, თუ როდემდის გასტანს  
ესრეთი გულგრილობა და სრულიად  
დავიწყება ამ სასწავლებლისა. ამ  
სკოლის მასწავლებელმა რამდენ  
ჯერმე აუწყა ვისთანაც ჯერ არს  
მისადმი რწმუნებულის სკოლის ამ-  
ბავი, მაგრამ ჯერ მაინც ყურადღე-  
ბას არავინ აქცევს. რა გულით  
უნდა იმეცადინოს ამის შემდეგ მას-  
წავლებელმა იმ ათიოდე ბავშვთან,  
რომლებსაც ძველი წიგნები დაუ-  
რიგა და რვეულები თავისი ხარჯით  
უყიდა.

ვ. დეკანოზიშვილი

სოფ. ხარაბაული (შორაპნის  
მაზრა). წარსულისთვის ოცდა სამს  
იმერეთის ეპისკოპოსმა ყოვლად-  
სამღვდელო ლეონიდა აკურთხა  
ხარაბაულის ორკლასიანი სამეურ-  
ნეო-საეკლესიო სკოლის ტაძარი.  
ყოვლად-სამღვდელო კრებული-  
თურთ მობრძანდა წინა დღით.  
თუმცა დიდი წვიმა იყო, მაინც  
მრავალმა ხალხმა მოიყარა თავი  
სკოლის გარშემო. ყველას სწყუ-  
როდა თვლით დაენახა პირველად  
თავის საყვარელი მწყემსთ-მთავარი,  
ესდენ ძვირფასი იმერეთის სამწყსო-  
თვის, რე საზოგადო სიხარულში მონა-  
წილეობა მიეღო. საღმრთო ლიტურ-  
გია ახლად ნაკურთხს ტაძარში ყო-  
ვლად-სამღვდელო ლეონიდა შეასრუ-  
ლდა იმერეთის ეპარქიის საეკლესიო  
სკოლების მეთვალყურე მღვდ. მე-  
ლიტონ კელენჯერიძის და სხვათა  
თანამწირველობით.

„განიცადენზედ“ მშვენიერის  
ნაარსისა დღის შესაფერი სიტყვა  
წარმოსთქვა ტაძარში სკოლის მას-  
წავლებელმა ბ. კ. კელენჯერიძემ.  
ამ სიტყვაში მან აღნიშნა ის ღვაწ-  
ლი, რომელიც სკოლისა და ტაძ-  
რის დახმარებელს, მღვდელს რო-  
მანოზ დეკანოზიძეს მიუძღვის სა-  
ზოგადოების წინაშე. წირვის შეს-  
რულების შემდეგ ყოვლად-სამღვდე-  
ლო ლეონიდა, რომელსაც აუთარე-  
ბელი ხალხი ელოდა ლოცვა-კურ-  
თხევის მისაღებად და მოძღვრების  
მოსახმენად სკოლის ეზოში, მარ-  
ტივისა და ღრმა აზროვანი სიტყ-  
ყით მიმართა დამსწრე საზოგა-  
დოებას. ამ სიტყვაში ყოვლად-სამ-  
ღვდელო თვისი უღრმესი გულითადი  
მადლობა გამოუცხადა მღვდელს  
რომანოზ დეკანოზიძეს, რომელმაც  
თავისი საკუთარის ხარჯით ალაშე-  
ნა ორკლასიანი სამრევლო საეკ-  
ლესიო სკოლის შენობა და ამავე  
სკოლის ტაძარი და შესწირა მას  
საკმაო ადგილი. მართლაც და  
მადლობის ღირსია ეს უანგარო  
მწყემსი ამ ფრიად სასარგებლო და  
წასაძად საკეთილო მოღვაწეობისა-  
თვის, რომლის მაგალითიც ჩვენში  
იშვიათია...

შინაურულად განსწავლილმა სო-  
ფლის მღვდელმა თვისი სამშობლო  
სოფელს ასეთი უძვირფასესი საჩუ-  
ქარი უძღვნა და ამ საქმეს მოახმარა  
10,000 მანეთზედ მეტი საკუთარი  
ფული...

ყოვლად-სამღვდელო ლეონიდა  
დაათვალიერა სკოლის ოთახები,  
მასწავლებელთა სადგომები და ყო-  
ველივე სკოლის მოწყობილობა და  
ფრიად მოიწონა...

ამ სკოლაში დღეს სამი მასწავ-  
ლებელია: ერთი საღმრთო სჯულისა  
და ორიც საგნებისა. წირვის დროს  
23-ს ენკენისთვის სკოლის მოწაფე-  
თაგან შემდგარი მგალობელთა გუნ-  
დი ჰგალობდა რუსულად და ქარ-  
თულად მასწავლებლის ბ. დვალა-  
ძის ლოტბარობით. რუსული გა-  
ლობა უფრო კარგს შთაბეჭდილებას  
ახდენდა მსმენელებზედ, ვინემ ქარ-  
თული გალობა. სწინს, მასწავლე-  
ბელი ბ. ნი დვალაძე ქართულის  
გალობის შეთვისებას მოსწავლეთა-  
გან ჯეროვანს ყურადღებას არ აქ-  
ცევს, ან ეს საგანი სუსტად იცის.  
ქართულად მოსწავლეთა გუნდი ცუ-  
დადა ჰგალობდა და მსმენელები  
უკმაყოფილონი დარჩნენ. იმედია,  
სკოლის გამგე მღვდელი მამა რო-  
მანოზ დეკანოზიძე ამ საგრძნობელს  
ნაკლულევანებას მისდამი რწმუნე-  
ბულს სკოლაში ჯეროვანს ყურად-  
ღებას მიაქცევს.

ბზიკი

### უცხოეთი

ინგლისი. გაზეთი „Times“-ს ნიუ-  
კესტილიდამ (ნატალის ქალაქია) შემ-  
დგეი დეპეშა მიუღია: „გენერალი  
ბოტა დარწმუნდა, რომ თავისი  
2000 კაცით ვერაფერს გააწყობს,  
და ამიტომ ჯარის კაცები დაითხო-  
ვა; ჯარის კაცებმა თავიანთის თა-  
ვის გადარჩენაზე თითონ უნდა იზ-  
რუნონ. თითონ ბოტამ რამდენიმე  
ბურთით შეარჩია დრო და ჩრდილო-  
ეთისაკენ გაიკაფა გზა. სად არის  
ბოტა ეხლა — ნამდვილად არ იცინა.

**შეხვედრის.** საფრანგეთიდან გა მოძვეებული კონგრესები შევი- ცარიანია იხიზნებია. უკვე რამდენიმე თვეა შევიცარიელთა ყურადღებას იქცევდნენ საეკო პირები, რომლებიც დიდროს შენობებს ქი- რაობდნენ და თავიანთს გემოვნებაზე აწყობდნენ უმთავრესად კათო- ლიკთა კანტონებში, ვალისა და ფიბურგში; თანდათან ბერებმა პო- სტანტთა კანტონებშიც ამოპ- ყვეს თავი. ვომ პირველმა მიაქცია ამ გარემოებას ჯეროვანი ყურად- ღება, მოკრიფა საჭირო ცნობები და წარუდგინა იუსტიციის და პო- ლიციის დეპარტამენტს განკარგუ- ლების მოსახდენად. გაზეთები და საზოგადოება თხოულობენ, მთავ- რობამ ესლავე მიიღოს ზომები იმათ წინააღმდეგ.

**ავსტო-უნგრეთი.** ავსტრის რეისტაგის 5 ოქტომბრის სხდომა- ზე პირველ ვიცე-პრეზიდენტად პრადეს მავიერ არჩეულ იქმნა გერ- მანელ საერო დასის მეთაური კაი- ზერი. კენჭის ყრის რეზულტატს შემარცხენენი სიხარულით მიეგებ- ნენ; მლადო-ჩეხები და პანგერმანე- ლები ნიშნად პროტესტისა სხდო- მის დარბაზიდან გამოვიდნენ. კაი- ზერმა მადლობა გამოაცხადა და სთქვა, რომ ის თავის მოქმედებაში დასებრივის ინტერესებით არ იხელ- მძღვანელებს.

— ავსტრიის რეისტაგის გახსნის წინა დღით მლადო-ჩეხების ორგანოს „Narodni Listy“-ში დაიბეჭდა მე- თაური წერილი, რომელშიაც სა- ყვედურს უცხადებენ მინისტრ-პრე- ზიდენტს კერბერს. კერბერი სიტყ- ვით არც ერთს ეროვნებას არ ესარჩლება, მაგრამ საქმიო-კი გერ- მანელებს ესარჩლება. კერბერის შეცადინებობით გერმანელებს 20 ხმა ერგოთ დიდროს მიწადმლო- ბელების კურიიდან; ჩეხებმა-კი, მიუ- ხედავად კერბერის დაპირებისა, სა- მაგიერო არაფერი მიიღეს. დასა- სრულ გაზეთი ამბობს: კერბერი ან მართლი ნეიტრალურის ტაქტიკით უნდა ჰმოქმედებდეს ან არა და თავის თანამდებობას უნდა გამოე- თხოვოსო. სტარო-ჩეხების გაზეთი „Hlas Naroda“ სწერს, კერბერს განზრახვა აქვს პარლამენტი შექმნას ჩეხების დაუნმარებლად, პოლონელ- თა კლუბის შემწეობით და იმაზე დამკვიდროს თავის სამინისტრო, მაგრამ, გაზეთების სიტყვით, პოლო- ნელებიც უკმაყოფილონი არიან მთავრობისაო. გალიციაში ერთი პოლიტიკური მიმართულებაა, რო- მელიც სტდილობს პოლონელების და გერმანელების შეთანხმებას, მთა- ვრობა და გერმანელები დიდი მომ- ხრენი არიან ამ შეთანხმებისა, მა- გრამ, „Hlas Naroda“-ს აზრით, ეს კიდევ იმას არა ჰნიშნავს, რომ პოლონელთა კლუბი თანახმა იყოს გერმანელებთან შეთანხმებაზე. უჩე- ხებოთ პარლამენტში უმრავლესო- ბის შედგენა სრული უაზრობაა, თუ კი ჩეხების კლუბი გონივრულის ტაქტიკით იმოქმედებენო“, სწერს სტარო-ჩეხების გაზეთი.

**შსპანი.** სენატის მოქმედება დაიწყო რელიგიურ საზოგადოებათა საკითხის განხილვით; საგასტამ გან- ცხადა, მთავრობა ასსოციაციათა შესახებ არსებულის კანონით ხელ-

მძღვანელობსო. ამის შემდეგ, სიტყ- ვა ჩამოყარდა სევილის საქმეებზე; მმართველობამ წაიკითხა სევილის გუბერნატორისაგან მიღებული დე- პეშა, რომელშიაც ნათქვამია, რომ იქ მშვიდობიანობა უკვე აღდგენი- ლია.

**ოსმალეთი.** „Moniteur Otto- man“-ში ოსმალეთის პატრიოტი ფაიქ-ფაშა სწერს, თითონ ხონთქარს, აბდულ-გაბიდს ყველაზედ უკეთესად ესმის, რომ ოსმალეთის დღეები უკვე დათვლილია. ამიტომ ის ერ- თის მხრივ იმაზედ და ფიქრობს, რომ დიდძალი ჯარი იყოლიოს და მოსკოველებს, რომელთაც დააქვე- ითეს ოსმალეთი, სამაგიერო გადა- უხადოს მომავალს ევროპის ომში იმათ მოპირისპირეს დახმარების აღ- მოჩენით, და მეორე მხრივ, სტდი- ლობს ისლამი გაავრცელოს ჩინეთ- სა და ააბონიაში. ამ აზრებით გა- ტაცებული ხონთქარი უყურადღე- ბოდ სტოვეს ოსმალეთის აღორ- ძინების ინტერესს და ჰფიქრობს, რომ ყოველივე რეფორმა ისლამის ერთგულების შემსაუსტებელი იქნე- ბაო. ხონთქარის თანამოაზრეა ოს- მალეთის არისტოკრატის თითქმის ორი მესამედი და ამიტომ, ფაიქ- ფაშას აზრით, ამ მიმართულებას მლადოტურკებმა ანგარიში უნდა გაუწიონო.

**ავგანისტანი.** ერთის გაზეთის სიტყვით, ახლის ემირის ხაბიბულის მისწრაფებას შეადგენს სამის მაჰმა- დიანურის სახელმწიფოს კავშირი: ოსმალეთის, სპარსეთის და ავგანის- ტანისა. ეს კავშირი ავგანისტანს დამოუკიდებელ ჰყოფს ინგლისისა- განაც და რუსეთისაგანაც.

**სამხრეთი აზრია.** ბურებმა დაიჭირეს ქალაქი მალმესბიური. ეს ქალაქი 50 ვერსის მანძილზე მდე- ბარეობს კაპშტადტიდამ. მალმესბიუ- რის მიდამოები ძალიან მდიდარი ადგილებია პურიით; ბურებს ალბად სწორეთ პურის შოვნა უნდოდათ. კაპშტადლისაგან ბურები ჯერ არ გაიწვევენ; ისინი ზღვის დახლოვებას უფრო ეტრფიან. ჰფიქრობენ, რომ ბურებს განზრახვა აქვთ დაიჭირონ სრუტე სალდანი.

დელარგის რაზმიდამ ბურები ხში- რად თურმე მიდიან პრეტორიაში ნაცნობების სანახავათ. კრიუგერის მეუღლის დასაფლავებაზე, სხვათა შორის, 12 კაცი ყოფილა. აქედამ სიანს, რა ადვილად დასრიალობენ ბურები ინგლისის ჯარებით ვითომ- და გამაგრებულს ადგილებში.

**შეერთებული შტატები.** რუზ- ველტი ენერგიულად შეუდგა თავის განძრახვის, ამერიკის ფლოტის გა- ძლიერების, ასრულებას. მომავალ- ლის წლის ხარჯთ-აღრიცხვაში ფლოტის გასაუმჯობესებლად შეტა- ნილია 98,910,984 დოლლარი; შარშან ამ საგნისათვის გადადებუ- ლი იყო 77,924,535 დოლლარი. გარდა ამისა, ზღვათა სამინისტრო რუზველტის თანახმობით წარუდ- გენს კონგრესს სამის ახლის სამ- ხედრო გემის, ორის ჯავშნიანის გე- მის და 12 სამხედრო ხომალდის აშენების პროექტს.

**მაქედონია.** ოსმალეთის ჯარებს უკვე რამდენიმე თვეა ჯამაგირი არ მიუღიათ და ამ ჟამად როგორც ოფიცრები, აგრეთვე სალდათები

დიდს გაჭირებაში არიან; ნისიათ აღარავენ რას აძლევს და ფული კი არა აქვთ. მიუხედავად იმისა, რომ მმართველობა ყოველივე სას- ჯგოს აყენებდა უკმაყოფილო ჯა- რის კაცებს, ბიტოლიასა და პრიშ- ტინში პირდაპირი ამბოხება მოახ- დინა ჯარმა. ამბოხება ძალიან გავრცელდებოდა და საშიშარი შე- იქნებოდა, დროზე რომ კონსტან- ტინეპოლიდამ ბრძანება არ მოსუ- ლიყო, ჯარი პატარ-პატარა რაზ- მებათ დაყავით და თითო რაზმი თითო ქრისტიანთა სოფელში ჩა- აყენეთ, სოფლის მცხოვრებლებმა უნდა ჰკვებონ ამ ბრძანებით მათთან დაყენებული რაზმები უსასყიდლოდ. ამ გვარად ესლა ყველა სოფელი მაკედონიაში 50—100 ჯარის კაცს და 5—6 მათს ოფიცერს ჰკვებავს. აშკარაა, სოფელელები დიდად უკმა- ყოფილო არიან; იმათ კოლექტი- ტური თხოვნა მიართვეს ევროპის სახელმწიფოთა წარმომადგენლებს ამის თაობაზე, მაგრამ ჯერ არავი- თარი პასუხი არ მიუღიათ. ამბობენ, ბევრმა სამშობლოს მიტოვება და უცხო ადგილებში გაიხიზნა და- აპირაო.

**გ ა კ რ ი თ.**

**საპუბლიცისტო რეცეპტი**

ვისაც ჰსურს თვალსაჩინო და ნიჭიერი პუბლიცისტი გახდეს, უნდა შეიძინოს რომელიმე ცი- ფირებით აქრელებული წიგნი ინ- გლისის, ან საფრანგეთის, ან კი- დევ რომელიმე სხვა ევროპის სა- ხელმწიფოს ეკონომიურის მდგომა- რეობის შესახებ, გადაწეროს ეს ცი- ფირები სუფთა ქალაღზე ისე-კი, რომ რიცხვებს შუა ზიგა-და-შიგ ცარიელი ადგილი დასტოვოს და შემდეგ ამ ადგილებში ჩასწეროს ეკონომიურის მეცნიერების საყვა- რელი ტერმინები: კაპიტალიზმი, მსხვილი მრეწველობა, ცენტრალი- ზაცია, ბურჟუაზიული მიმართულე- ბა, ლიბერალური მოძღვრება, პრო- ლეტარიატის ზრდა, მუშათა ინტერე- სები, რვა საათის სამუშაო დღე, ფეოდალების განადგურება, ფეო- დალური მიმართულება, წვრილი მრეწველობა, კაპიტალის კონცენ- ტრაცია, აღორძინება მრეწველო- ბისა და სხვა, რაც შეიძლება ბლო- მად. ბოლოს მიაწეროს: „ამ ნაი- რად ჩვენ დავინახეთ, რომ წვრილი მრეწველობა თან-და-თან ადგილს უთმობს მსხვილს მრეწველობას; ეს საყოველთაო კანონია და ამ კანონს ექვემდებარება ჩვენი ცხოვრებაც, რომლის შესახებაც შემდეგ გვქენ- ბი ლაპარაკი.“ ორი ან სამი ამ გვარი წერილი სრულიად საკმარი- სია, რომ თვალსაჩინო ქართველი საზოგადო მოღვაწე და პუბლიცი- სტი შეიქნეთ. უმჯველია, ეს მძიმე შრომას მოითხოვს თქვენგან, მა- გრამ უშრომოდ, ხომ მოგვსენებათ, არაფერი იქნება. მაინც-და-მაინც თავს ძალიან ნუ შეიწუხებთ, შეამ- ცნეთ თუ არა, რომ საზოგადოებაში უკვე სახელი მოიხვეჭეთ, შეგიძლიათ თვეში ერთხელ რაიმე საზოგადოე- ბის პროექტი შეადგინოთ და იმის შესახებ სწეროთ. ნუ შეუშინდე- ბით იმას, რომ ეს საზოგადოება ქმიერიული იქნება და ფანტასტი-

კური. ქართველი მკითხველი უმჯვე- ლი პროექტს მოგიწონებთ, თქვე- ნი სახელიც გაახსენდება და თქვენი პუბლიცისტის რეპუტაცია უფრო გამტკიცდება.

**წერილი რედაქციის მიმართ.**

**ბ-ნო რედაქტორო!**

ნება მომეცით თქვენის გაზეთის საშუ- ალებით უგულთადესი მადლობა გამო- ვუცხადო ქ. სუხუმის მცხოვრებს ბ-ნს ნიკოლოზ გიორგის ძეს ჩიქოვანს, რომელ- მაც ხონის დედათა პროგინაზიაში ლიობ მსწავლეთათვის განსწავლებულის თავისის დედის ფოტინე დავითის ასულის ჩიქოვანის სახელზედ სტიპენდია დააარსა ფულის შემდეგის განაწილებით: ბ-ნი ნ. გ. ჩიქო- ვანი ყოველ წლივ შემოიტანს 50 მან., რომლიდანაც 30 მან. გარდაეცემა პრო- გინაზიის უფროსს სწავლის ფულად, ხო- ლო დანარჩენი 20 მან. თვითონ მოწაფეს ტანთსაცმელისა და სასწავლო ნივთებისა- თვის.

ხონის პროგინაზიის უფროსი ელენე ბახტაძე.

**დებემა**

(„რუსეთის დებემათა სააგენტოსაგან“).

**12 ოქტომბერი.**

**პეტიტორები.** განხილულ იქმნა ხარკოვის პალატის პროკურორის პროტესტი, შეტანილი ამავე პალა- ტის განაჩენზე, რომელიც დადგე- ნილი იყო ქარხანაში „რუსეთის პროვიდანსი“ მომხდარ უწყსოების გამო. სენატმა დაადგინა: გაუქმე- ბულ იქმნას განაჩენი შესახებ შემ- დევ ბრალდებულთა გამართლები- სა: მოროზოვისა, ნიკოლაინიკისა, პისკარევისა, ბუბლიკოვისა, ორ- ლოვისა, პუხისა, ფოკინისა, მარ- ტინოვისა, იაშინინისა, კონისა, ზლობინისა, ბონადარევისა, კული- ნისა და გრაშჩუნისა და საქმე გა- დაეცეს იმავე პალატას ხელ-მეორედ განსახილველად სხვა მსაჯულთა მიერ.

**ტიუზანი.** გამოკვლევამ აღმოა- ჩინა, რომ მდინარე ობის შესარ- თავეში ნაპოვნ ჩონჩხის ძვლები ყო- ფილა ვეშაპისა და არა მამონტისა. ეს გარემოება უფრო უმატებს მნი- შვნელობას ნაპოვნ ჩონჩხსა.

**კიევი.** დიდის ამბით აკურთხეს ექატერისა, აგებული სასულიერო სემინარიის ახალს შენობაში. შენო- ბა აგებულია 550 მოწაფისათვის. მდინარე დესნანზე ნავოსნობა მოიპოო.

**კოპენჰაგენი.** დღეს გარდაი- ცვალა ფლენსბურგში წარმომადგე- ნელი ქალაქის ფლენსბურგისა გუს- ტავ იოგანსენი. რეისტაგის წევრ- თა შორის იოგანსენი ერთად ერ- თი დანიელი იყო.

**შაზანი.** ვოლგას ნავთ-სადგო- რების მახლობლად დაიწვა ხუთი შენობა დუქნებითა და საქონლის საწ- ყობებით. დაიწვა გლეხი დედაკაცი, რომელიც სტდილობდა თავისი ფუ- ლი გადაერჩინა.

**ბერლინი.** დღეს, საღამოთი, გა- მოცხადებულ იქმნება ამბავი მოსკო- ვახანის რკინის გზის 35,880,000 გერმანულ მარკის ობლიგაციების გამოცემისა და ლომის რკინის გზის 11,660,000 გერმანულ მარკის ობ-

ლიგაციებისა ობლიგაციების გამოცე- მისა 17 ოქტომბერს. გერმანული მარკის ობლიგაციების მოწაფე სესა- რუსეთის მთავრობის მიერ უზრუნ- ველ ყოფილის 80 მილიონ გერ- მანულ მარკის რკინის გზის 40,000,000 ობლიგაციების მონარჩენს წარმოად- გენს.


**კოპი.** „Patria“-ს სიტყვით, ვა- ტიკანის მმართველობას განუზრ- ხავს პეკინში თავისი სადიპლომატო წარმომადგენელი იყოლიოს.

**ჩიკაგო.** კასონი, რომელიც საურთიერთო ხელთშეკრულობის დადების დროს წარმომადგენელი იყო, გუშინ მხნედ გამოესარჩლა ხელთშეკრულობის პოლიტიკასა და ამტკიცებდა, რომ მხოლოდ ხელთ- შეკრულობით შეიძლება ვებრძო- ლოთ იმ საფთხეს, რომელიც ამე- რიკის ვაჭრობას მოეღოს.


**პარიზი.** მონსო-ლე-მინში ასი თოფი უკან იქმნა დაბრუნებული. ხვალ სახლების ჩხრეკას შეუდგე- ბიან. ყველგან მშვიდობიანობა; ნაციონალისტთა პრესისა მეღინის წრეს ამტყუენებს, რომ სამშაბათს სამინისტროს მიემხრო.

**სივლა.** ავღანის ემირის აბდუ- რახმანის სიკვდილის ამბავმა გერა- ტში არავითარი მღელვარება არ გამოიწვია; ყოველივე ძველებურად დამშვიდებულია; ჯარებმა ხაბიბუ- ლა ემირს შეჰფიცეს.

**განცხადება**



როიალები



შ ი ა ნ ი ს ო



ფის-გარმონები, სკრიპკები, გიტარე- ბი, ფლეიტები, კლარნეტები, ნოტები, სიმები და სხვ. და სხ.



ყოველ ამ სამუსიკო იარაღის შექმნა შეიძლება ფასის წვრილ- წვრილად გარდახდით.

პ რ ე ს კ უ რ ა ნ ტ ე ბ ი მუქთად იგზავნება,

კავკასიის ცენტრალი საწყობი სამუსიკო საკრავებისა

ბ. ა. მიჩინაინისა

музыкальное дело

М. ШРИМАНЯНА

Тифлисъ. Дворцовая ул.

(24—5.—2)